

新泰縣鄉土志

光緒戊申
冬月國文
報館石印

東北至后谷山庄三十五里交蒙陰界

東至窪子庄二十五里交蒙陰界


東南至英家庄二十二里交蒙陰界

北至蒙陰寨四十五里

南至北潞坡五十里交泰安界

西北至雁翎關八十五里交萊蕪界

西至望凡嶺八十里交泰安界



新泰縣鄉土志序

客有問於宗幹者曰鄉土志果何為而作也男兒孤矢四方生於鄉而
圓於鄉焉則個儻卓犖之士非且笑之方今天下一家同文同軌躬其
盛者方將累九譯以致越裳浮一樣以達霄漢海外之殊俗天末之異
聞士大夫每樂道之津津者如數家珍焉新泰一下邑耳渺茲彈丸僻
處山谷此中語不足為外人道又烏在其足志也曰唯唯否否客之志
遠矣客亦知夫行遠者之必自適乎今使張遼海之帆乘長風破萬里
浪不可謂非駛矣然未有口岸之不知而放乎溟渤者也又使騁驂騶
之足朝發乎沂岐而夕觴乎瑤池之上不可謂非駿矣然未有門庭之
未歷而周乎垓埏者也

國家黨庠里塾開辦者有年矣俾修此志以惠童蒙蓋以鄉土為父母桑
梓之地即鄉土為學問根本之地由鄉而達之國由國而達之異國謂

但為訓童蒙起見者尚非通論也且新邑介海岱之間而鍾乎新甫徂
徠之秀故其人才皆嶽奇磊落經術則高堂生勳業則羊叔子勇畧節
義則羊侃羊鴉仁前輩之遺型後起之先路也學者俛首而芸經萬攘
腕而談宙合異日者器握大成才擅遠到即烏覩非鄉土一志之為之
基礎也耶於茲邑有厚望焉是志也知新泰縣事崔令奉檄開辦經始
者月餘矣宗幹承乏其後警之垣墉橫斷其敢弗墜茨而弗丹履乎爰
於公暇偕二三同志搜尋軼事披揀前聞不辭謏陋以成此帙然亦卒
前令之事云爾究未知有當於修志之大旨否也是為序

光緒三十三年歲次丁未冬至後一日同知銜署新泰縣事湯宗幹謹
序

歷史

本境建置時代

新泰縣古平陽地春秋魯宣公八年冬城平陽杜注今泰山平陽縣晉武帝太始中鎮南將軍羊祜表請即平陽故地改置新泰縣因新甫泰山而名之也未置本境之時代

唐虞夏商

新泰未置之先上古荒遠未詳所屬自禹畫九州即高山大川以定疆界禹貢云海岱及淮惟徐州淮沂其乂蒙羽其藝此縣在海右岱蒙之間唐虞夏商時當屬徐州

周

按尚書注周無徐兗州為伯禽遺封平陽故魯地屬魯即屬兗無疑

新泰縣鄉土志

歷史

一

戰國

魯頃公二十四年楚考烈王伐魯滅之其地入於楚

秦

秦併楚縣屬泗水郡

兩漢及三國

漢屬兗州泰安郡以河東有平陽縣改為東平陽縣以別之今城南有遺址後漢省魏復置焉

既置本境之時代

晉

屬兗州泰山郡新泰之名自此始

南北朝

宋屬徐州東安郡元魏屬北徐州東泰山郡高齊屬北徐州周屬沂州

隋

屬沂州琅琊郡

唐及五代

屬河南道沂州琅琊郡武德五年以沂水新泰莒置莒州貞觀八年莒州廢縣仍屬沂州琅琊郡五代因之

宋金

屬京東東路沂州琅琊郡金屬山東西路泰安州

元

屬直隸都省山東泰安州至元二年省入萊蕪縣改巡檢司三十一年復

明及

國朝

新泰縣鄉土志

歷史

二

明屬山東布政司濟南府泰安州順治康熙間因之雍正十二年改屬

泰安直隸州十三年升泰安直隸州為府同屬者七州縣新泰居其

次焉

政績錄

興利

明

高奉直隸井陘人成化間由舉人任知縣節用愛人教民種蔬菜以備

荒歉歲時親詣閭里驗其多寡以為賞罰新之勤於園圃者自奉始

六年調高密去後人思之如父母祀名宦

包溥浙江鄞縣人宏治間由進士為新泰令廉潔嚴明遇荒歲躬詣當

道請發帑數萬賑之民賴生全五年陞監察御史

李瑋河南南陽人宏治間由舉人為新泰令為政簡而不廢嚴而不苛

一批谷記

獄無淹囚度無留訟

劉光昇陝西人萬曆間以選貢為縣令愛民好士一介弗取又立官莊百餘處士民立祠祀之

李上林江南如皋人監生萬曆間以德州同知委署新泰時歲歉請賑濟貸粟鄰邑賴以保全尋坐改本色除無名之費定輸徵之條嚴治左右寬恤里甲修築石城是特開採銀鑛為民間大害上林杜絕之又置學田三頃八十二畝有奇在任五年桑麻徧野邑無逃亡士民立祠祀之祀名宦

高如山直隸永年人萬曆間由舉人為縣令操守冰清撫民慈惠賦稅不待督責輒先期報竣罷一切煩苛與民休息以人文不振改建東門曰文明門鑿泮池縣學之設泮自此始理訟數言之間情偽畢獻蒞任四年陞青州府同知

新泰縣鄉土志

政績

三

王應修號丹霞河南南陽府人萬曆癸丑由選貢為縣令時福藩王田派在新泰者百餘頃視隣封加倍應修委曲固請均攤從輕己卯大旱勸諭富戶貸麥種於貧民設處官牛一百四十隻助之歲歉米價騰貴權借帑金五百於豐收處買糧千餘石設粥廠三十餘處單騎檢視見道旁草中有遺棄嬰兒遍示通邑能收養者厚糈之仍立保赤局設義倉做常平倉例夏貸秋收新民使之沿城築堡百餘座四角增重樓以備不虞五年秩滿陞濱州知州邑人為之立祠

李春萼號韓林直隸永年人天啟間由舉人為縣令存心愷悌息訟勸農務與民休息冬煮粥以濟饑寒夏施藥以療病疾全活甚眾搜括庫貯無礙銀八百兩為民代抵正供毫無染指陞四川忠州知州祀名宦

盧紘號澹岩湖北蘄州人己丑會魁學問淵博順治間令茲邑邑久之科第親課諸生教以經史子集又相學校形勢改澹水口修兩廡並內外兩門卯午兩科膺鄉薦者二人時田荒賦重力請巡按更定賦役民得蘇息其流移招撫者以千計沂鎮赴省取餉道經新泰百姓苦之紘稟上官路改青屬民始得安皆知有耕鑿之樂不願以瑣事涉公庭文學吏治為新泰百年中所最著陞廣西桂林府同知東昌府知府

楊繼芳字仲延直隸南和人順治間由選貢為縣令沈靜勤潔案無留牘修學宮建察院時逃人功令最嚴凡宿食之家蔓引株求破產亡軀者甚眾繼芳嚴查保甲而患以絕又承送木炭頗為民累申請豁免縣民如釋重負聞屯規田俱據實開報從前有包荒者悉為除豁不忍貪功累民民皆德之

甯養氣字子直奉天遼陽人康熙間由蔭生為知縣修學宮設義塾墾荒田清保甲改修公署勸建營房百廢俱舉尤有清操丁艱旋里士民如失慈母為立碑者四十餘處

宗之璫字旭先江西南昌府南昌縣人副貢初授廣西宜山令軍前屢建奇功康熙己未知新泰首重學校購民舍十餘楹為義學士人宗之清釐戶口地畝單騎簡從不辭勞瘁民無虛糧之累己未大饑瀝請賑濟復捐穀二百餘石做常平法春貸秋還又給牛種輕徭役民困始甦三值早禱雨皆立降飛蝗遍野他邑禾稼食且盡邑境獨不為災諸務嚴明宵小屏跡所有修舉無毫末為百姓累蒞任五載為數十年循吏第一士民建堂於義學後祀之嗣陞冀州知州官至兵部郎中

魏希尚河南輝縣人雍正十一年由貢生為縣令多惠政倡建普濟堂

置地二頃有奇收養貧民間羊村湖田地數百畝給牛種邑民至今思之

張師赤字松門河南儀封人乾隆十七年由進士為縣令肅法令絕苞苴待士以禮撫民以恩修學宮諸祠設書院於羊公祠延師課迪開荒田大河莊北百餘畝又勸捐社穀千餘石以備積貯焉

胡敘寧湖南清泉人乾隆二十七年由舉人為縣令崇孝讓勸農桑息訟獄自捐銀六百兩倡建青雲書院培植人材任五年以疾終於署居官廉潔囊篋蕭然扶櫬南歸民皆流涕以送

許汝奎江蘇太倉州人丙午舉人嘉慶七年十三年兩任新泰性慈和以德化民不事敲扑又精岐黃術捐廉設醫藥局貧無資者施送藥材活人無算解任日沿途士民祖餞至望凡嶺

張涵山西鳳臺人癸未進士道光十七年為縣令性嚴峻不阿凡事皆

認真整飭學校啟迪士子口授指示無殊庭訓一時皆尚實學學者翕然宗之而又除道成梁設養濟院皆先捐俸而後勸民民皆德之李天隲山西太平人癸酉舉人道光二十三年三十年咸豐元年五年任新泰前後計十一年為政寬厚賦稅從無追比民皆踴躍完納聽斷至公吏門無苞苴解組日祖餞者填街巷至今民猶思之

李漆字海塘順天寶坻人同治乙丑進士任縣令為政明察吏不敢欺倡辦積穀小民深蒙惠恤倡勸鉅款重建平陽書院兼捐廉備膏火俾士子咸勵於學至今賴之去害

明

劉璿江西新鄉人監生正德間知新泰到任甫三日流賊數萬騎突至璿號令嚴明城守有方賊力攻三日不克而去

趙希抃字式一直隸三河人天啟間由舉人為縣令除歷年積弊禁革羨餘別宿蠹左右屏息公庭肅然豪強避迹鄙賤妖民為亂修築石城添雉臺十二座濬池培隄賊不敢逼視蒞任四年以治最陞兵馬司百姓立祠祀之

胡向化號蓋明直隸容城人崇禎間由舉人為縣令任事果斷時值山海叛卒煽禍大兵雲集軍需孔急向化調停有方先令富者納輸其小戶從容續解民皆德之陞錦衣衛經歷百姓立祠於羊流店鄭寔昌號嵩嵐河南魯山人崇禎間由舉人為縣令甫抵任值土寇竊發寔昌率士民日夜登陴守禦甚嚴卒保無虞陞北京南城兵馬司指揮

國朝

狄芬江蘇溧陽人丁未進士嘉慶四年為縣令首重學校諭各保設義

新泰縣鄉土志

政績

六

學自捐廉俸延師訓迪以躬行為本每月考試師長獎勵有差好微行訪察善則賞惡則罰號令嚴明宵小斂跡閭邑感戴

梁寶常直隸天津人癸未進士道光七年令茲邑甫下車先整飭士習勿涉俗學嚴禁博棍及酗酒鬪毆者約束無賴游民禁於大堂東偏檻柵中令禮房日講

聖諭以教之卒皆愧悔自新後陞山東巡撫兩廣總督

鄭溥字恬生順天大興人道光庚子舉人同治二年六年兩任新泰時值兵亂守禦有方臨民仁恕去任既久邑人猶稱其惠澤焉

郎鳳來字儀亭直隸清河人同治壬戌舉人光緒十一年任新泰少長田間悉於聽斷治主鋤暴安良市井棍徒為之屏跡在任年半興文課士孜孜不倦會感疾而歿士民流涕至今思慕

徐致愉字子怡順天宛平人同治庚午舉人光緒十四年到任為政識

大體撫恤善良震懾強暴訟者質審一過判斷分明時邑中解省錢糧皆以手車運制錢十三保充其役徵發煩擾民苦之致愉獨發償覓夫自解無一毫累民民立德政碑於通衢陞任後閩邑士庶有願借寇君之祝

田寶蓉字曉霞陝西興安縣人光緒壬辰翰林任新秦性嚴厲折獄明察事結猶恐冤抑准人再控一心愛民而嚴於吏役凡事多獨斷不徇情面苞苴干謁一切屏絕紳吏無敢進言者見十三保錢車之弊為民大累稟詳上憲乃請革去清靜寬營與民休息以疾終於署歿後民立德政碑於郭外靈樞回藉士民哭奠於道

謝庭芝字佩政江蘇省城人光緒三十年署新秦舊任因城驛穀積不足飭差赴近保採買遂沿有攤派之弊鄉民苦之庭芝蒞任後查知力為禁革立案裁除士民於堂階東偏立碑紀其事並頌其德焉

新秦縣鄉土志

政績

七

聽訟

明

胡悅安直隸南和人萬歷間以舉人為縣令折獄明允民皆憚之均田土修文廟遺德至今不泯歷陞遵義府知府

國朝

王僧慧字晉卿直隸開州人康熙間由進士為縣令雖疑獄無能逃其鑿者尤重學校雍正丁未調蒲臺縣

胡萬吉江西新建人乾隆二十六年由舉人為縣令判斷公明心如懸鑑崇學校軫民艱癸未歲修城垣及明倫堂諸政俱舉邑甚賴之朱鐘安徽涇縣人己巳進士嘉慶二年為縣令理詞訟不動聲色令兩造並陳任其爭角靜聽之後一一判斷兩造俱服從無冤獄時有朱青天之稱

左宜似安徽桐城人廩貢生同治十一年署新泰任守正不阿聽斷訟獄無情者不得逃其鑿吏畏其威民懷其德至今談及者猶景仰之奎光字珠泉奉天遼陽人光緒三十一年以舉人署新泰折獄詳明不動聲色吏民畏之時方尚新政改建書院為學堂延師籌款事成而民不擾案牘之餘尤嗜吟詠解任時紳耆賦詩祖餞光彙為一集曰平陽息肩錄

軍事錄

周

春秋魯宣公八年城平陽以備晉此為本境軍事之始

晉

義熙五年劉裕伐南燕由大峴進兵按大峴在沂水東北境去新泰咫尺耳維時南燕大臣公孫五樓等多欲據大峴之險以拒晉軍而別

新泰縣鄉土志

軍事

八

宋

勅段暉帥兗州之兵緣山東下腹背擊之南燕時兗州治梁甫緣梁甫之山東下則新泰正當其衝策雖不行而新泰百餘里間必非已毫震驚之地可知也史言劉裕以六月己巳至東莞蓋新泰此時已被兵矣南燕亡而裕遂收復新泰以入於晉

元嘉二十七年佛狸南犯胡馬飲江凡破南兗徐豫青冀六州所過郡縣赤地無遺春燕至歸巢於林木按新泰晉時隸兗而宋時隸徐州則一時殺戮焚掠之慘新泰亦在其中矣

元

李壇獨殲省新泰縣併入萊蕪縣蓋其地為李壇所蹂躪孤城荒壘危如累卵故不欲委縣治於虎口萬不得已而為此省併之計豈有境內晏然無故裁撤助敵自攻哉

明

正德辛未春流寇攻城數萬騎突至縣令劉瓚有韜畧善守禦賊力攻三日不克而去

崇禎庚辰冬土寇史東明困城大肆擄掠時海山叛卒煽禍大兵至遂解去

癸未時土寇史東明李青山等比歲犯城是年春城中有警廩生張過留與弟志顏率兵赴難眾寡不敵軍盡覆遇留兄弟死之初遇留因世亂倡義立十三營領附近子弟五百人號知方軍義勇冠諸營至是遇留戰死所立十三營尚存張瑄統之勦捕城守著有殊勞焉甲申夏年饑土寇為亂數困城知縣鄭漫昌守禦謹嚴賊遂肆焚掠而去

國朝

新泰縣鄉土志

兵事

九

順治元年

大清定鼎燕京關逆所置偽新泰令猶為賊守城甚力大兵駐濟南議城不下者屠之按院書吏牛文新泰人也夜馳還射書城中城中人乃共逐偽令以城降

六年土寇李棟等陷城或云九山巨寇陷城二者蓋一事

康熙五十九年鹽匪曹龍章等據徂徠山聚眾寇掠六十年鹽匪為亂搶掠村市邑圍陳恕等截殺於毛家嶺多所斬獲賊眾潰

咸豐三年土匪馬成等聚眾千餘到處搶掠請官兵勦滅既而賈成等繼擾數年之間境內苦之時承平日久民不知兵嗣因粵匪熾江南邑令李天隲奉文團練士民之氣一振

十年豫省捻匪竄東九月陷甯陽二十日入新境是夕火光燭天地次日黎明大隊湧至竄撲縣城邑令與把總黑寶恩同紳董趙世濟張

伊洋曹逢生等帶團守禦賊向東南去賊勢橫亘數十里焚燒殺擄村里蕭條初邑中聞賊警耗未之信也及賊至各莊村或數十人或十數人皆與之力戰遇難者甚多廩生沈慶祐督帶本村及四鄉各團會合蒙陰團練遇賊於城南名公窪力戰達於翌午全軍覆慶祐及子之屏均歿於陣是戰也匪隊悉經調往而城圍以解次日遂拔隊以去蓋我軍雖敗實有功於本境云

十一年南匪圍雨壇山寨脅財物初南匪擾境邑西南數十村民聚雨壇土山上築寨自保至是為匪所困寨中之水幾不支

九月擒匪過縣西境北去民始築圩圍以守

同治元年春費鄒強匪擾縣境羊村等保悉被其掠害

十月費縣幅首程四虎糾匪數千攻雨壇山寨寨長董樹德督眾力戰為洋鎗所中不肯退賊於夜間列炬焚寨門董於內築牆禦之賊環

攻三日卒受創以去不復來

二年三月鄒縣白蓮池教匪膚至焚掠與擒匪等執富家子索財物不與輒被殺

淄川賊劉德沛據城僧親王攻破之匪黨潰出擾縣境內東鄉為甚

三年二月初七日擒匪過境自東而西賊首係張總愚後有大兵尾追初八日午兵列陣城西嶺南北十餘里對壘鏖戰至夕賊退去初九日始出境

五年合肥李經畧督師東來追勦髮逆賴文光任柱擒匪張總愚等大軍過境知縣鄭溥催運芻糧以供採買

六年五月髮捻各匪焚掠縣境知縣鄭溥督率紳團城守並分隊出擊生擒匪黨馮合等三人二十三日匪眾西去

九月二十四日擒匪過境自西而東眾數萬逼近關廟寨圩雉堞俱以

竹杆鎗搗壞後有大兵追至二十六日東南去

耆舊錄

事業

羊 侵官司校尉

羊 儒官太常

羊 續字興祖泰山平陽人其先七世二千石卿校續以忠臣子孫拜郎中後遷廬江太守揚州黃巾賊攻舒續大破之後安風賊戴風等作亂續復擊破之生獲渠帥其餘黨輩原為平民皆與佃器使就農業中平三年江夏兵趙慈反拜續為南陽太守當入郡界迺羸服間行侍童子一人觀歷縣邑採問風謠然後迺進其令長貪潔吏民良猾悉逆知其狀郡內驚竦莫不震懾迺發兵擊慈斬之餘賊並詣續降賊既清平迺班宣政令候民利病百姓歡服時權豪之家多尚耆

麗續深疾之常敝衣薄食車馬羸敗府丞嘗獻生魚續受而懸於庭丞後又進之續乃出前所懸者以杜其意六年靈帝欲以續為太尉時拜三公者皆輸東園禮錢千萬令中使督之續坐使人於單席舉緼袍示之帝不悅以此故不登公位節錄本傳見後漢書祀鄉賢

鮑

鮑 信字允誠丹之子也信少有大節寬厚愛人沈毅有謀靈帝時大將軍何進辟拜騎都尉遣東歸募兵得千餘人還至成皋而進已遇害信至京師董卓亦始到信知卓必為亂勸袁紹襲卓紹畏卓不敢發信乃引軍還鄉里收徒眾二萬騎七百是歲魏武始起兵於已吾信與弟韜以兵應之魏武與袁紹表信行破虜將軍韜裨將軍時紹軍最盛豪傑多向之信獨謂魏武曰夫畧不世出能總英雄以撥亂反正者君也苟非其人雖強必斃遂深相結納汴水之敗信被鎗韜戰死後魏武為東郡太守表信為濟北相會黃巾大眾入州界魏武

以賊恃勝而驕欲設奇兵擊之先與信出行戰地步軍未至而猝與賊遇遂接戰信殊死戰魏武僅得潰圍出信遂戰歿時年四十一歲節錄三國志董卓傳魏武帝紀

鮑 邵信長子有父風魏武追錄信功表封邵為新都亭侯加拜騎都尉使持節

三國

鮑 勳字叔業信少子 本傳見三國志 祀鄉賢

高堂隆字升平高堂生後也少為諸生黃初中為堂陽長以選為平原王傅王即位是為明帝以隆為給事中博士駙馬都尉帝初踐阼羣臣以為宜饗會隆以為不宜帝納之遷陳留太守徵為散騎常侍賜爵關內侯青龍中遷侍中領太史令崇華殿災詔問隆此何咎寧有祈禳之義乎隆對曰夫災變之發皆所以明教誡也惟率禮修德可

以勝之易傳曰上不儉下不節孽火燒其室又曰君高其臺天火為災此人君苟飾宮室不知百姓空竭故天應之以旱火從高殿起也詔問隆漢武帝時柏梁災而大起宮殿以厭之其義云何隆對曰柏梁既災建章是經以厭火祥此乃越巫之所為非聖賢之明訓也帝遂復崇華殿改曰九龍殿凌霄闕始構有鵲巢其上帝以問隆對曰詩云維鵲有巢維鳩居之今興宮室起凌霄闕而鵲巢之此宮室未成身不得居之象也天意若曰宮室未成將有他姓制御之斯乃上天之戒也夫天道無親惟與善人不可不深防不可不深慮於是帝改容動色特軍國多事用法深重增崇宮殿雕飾觀閣百役繁興作者萬數冀州水出漂沒民物隆上疏切諫書奏帝謂中書監令曰觀隆此奏使朕懼哉隆疾篤口占上疏曰臣觀黃初之際天兆其戒異類之鳥育長燕巢口爪胸赤此魏室之大異也宜防鷹揚之臣於蕭

牆之內可選諸王使君國典兵往往恭時鎮撫皇畿翼亮帝室昔周之東遷晉鄭是依漢呂之亂實賴朱虛斯蓋前代之明鑒夫皇天無親惟德是輔民詠德政則延期過歷下有怨歎則報錄授能由此觀之天下乃天下之天下非獨陛下之天下也帝手詔深慰勞之及卒遺令薄葬歛以時服子琛嗣爵陳壽評曰高堂隆學業修明志存匡君因變陳戒發於懇誠忠矣哉節錄本傳全傳見三國志祀鄉賢

羊 祕官至京兆太守

羊 衛官上黨太守

羊 耽官至太常

晉

羊 祉官魏郡太守

羊 發官至都督淮北護軍

新泰縣鄉土志

耆舊

十三

羊 祐字叔子世吏二千石至祐九世並以清德聞祐年十二喪父孝

思過禮事叔父耽甚謹及長博學能屬文郡將夏侯威異之以兄霸之子妻之太原郭奕見之曰此今日之顏子也與王沈俱被曹爽辟沈勸就徵祐曰委質事人復何容易及爽敗沈以故吏免因謂祐曰常識卿前語祐曰此非始慮所及其先識不伐如此夏侯霸之降蜀也姻親多告絕祐獨安其室恩禮有加焉尋遭母憂長兄發又卒毀墓寢頓十餘年以道素自居恂恂若儒者徵拜中書侍郎俄遷給事中黃門郎徙祕書監封鉅平子武帝受禪封郡公邑三千戶固讓封不受乃進爵為侯帝將有滅吳之志以祐為都督荊州諸軍事假節祐率營兵出鎮南夏開設庠序綏懷遠近甚得江漢之心與吳人開布大信降者欲去皆聽之每與吳人交兵剋日方戰不為掩襲之計軍行吳境剝穀為糧皆計所侵送絹償之每會眾江沔遊獵常止晉